




علیرضا ذیحق

قرآن ناغیل لاری

مضرت عیسی نین داستانی

آلاه تعالا " عمران " اوچون نیدا ائتدیک ده کی تئز لیک ده بیر ائولادین اولاجاق
دی او و خانیمی " حنه " سئوینه رک نذر ائتدی لر کی اونو " بیت المقدس "
ین خادیمی اولاراق بؤیودوب یئتیشدیره لر . آنجاق اونلار بیر اوغلان اوشاکی
گؤزله رکن تانری اونلارا " مریم " آدلی بیر قیز وئیر. آمما یئنه ایلقار لارینی

اونوتمادان هم مه شه مريمي بيت المقدس ده عبادت محرابينداتانري يا
دوعا ائتمه يه تشويق ائديرلر. مريم ، گنج ليک ايل لرينه چاتديقدا پاك ليک دا
و معصوميت ده ديلر ازبري ايدي و اونها اولان زهد و تقوا دا کيمسه نين
شوبهه سي يوخ ايدي . بير گون محراب دا بيرجه تانري يا شوکر ائديب اونون
دونيا دا تکجه ياشايش و برکت قايناقي اولدوغونو خاطر لايلاق ، آلاهيَن آن
مقدّس سايلان ملاکه سي جبرئيل ، بير اينسان شکلينده مريم ين گؤزونه
گؤروشوب دئير :

" من آلاهيَن ائلچي سي اولاراق بير موشتولوق لا گلمي شَم و اودا بو کي
سن چوخ چکمه دن بير اوغول صاحيبي اولاجاقسان کي ايندي يه جان
دونيا دا هئچ کيمن آلاه يانيندا او قَدَر عِزّتي اولماييب دير ."
مريم توماراق دئدي :

" نئجه اولارمي کي بير باکره دوعا بيله ؟ اودا من کي عؤمروم عبادت ده و
رياضت ده کئچه رک هئچ بير گوناھ ايشله مه ميشَم و خياليم دا، هم مه شه
تانري عشقي وار ايدي !"

جبرئيل " بؤيوک تانري هر ايشه قاديردي و سن نوظفه سيز بو آن دا حاميله
اولوب صاباح سحر دوعاجاق سان !" ديه مريم دن ايسته دي کي صوبح
اولمادان هامی نين تانيدیقي هوندور بير قورو خورما آغاجي نين يانينا گنده .
" مريم " ين حاميله لي يي هاميسي دوققوز ساعات چکدي و بيت المقدس
ين گون چيخان سَمَتين ده اولان قورو خورما آغاجي آلتيندا ، اونو دوغوم
سانجي سي توتوب عيسا ني دونيا يا گتيردي . مريم عائيله سي نه و بني
اسرائيل خلقي نه، نه جاواب وئره جه بينه قالاراق ، عيسا ديله گليب دئدي :
" هئچ نه غم يئمه آنا ! تانري او قَدَر مهربان دير کي سني هئچ بير آن دا تک
قويماياجاق . آلاه تعالا بو معجزه ني باشارير سا سني قُوروماقي دا باشارير
. دايانديقين سولموش آغاچا بير آن باخارسان اونو او قَدَر ميوه لي و يارلاق
لي گؤره جک سن کي ايندي يه جان بو اؤلکه ده او جور بير برکت لي آغاچ

گۇرونمە يىب دىر . آياقي نىن آلتىن دان دا بىر بولاغ جوشاجاق كى چاي
اولوب آخاجاق دى. "

مرىم بىر آن باش قالدېردىق دا ، يام ياشىل و مىوھ لى بىر آغاچ گۇردو و ئىرھ
باخدىقدا داشقىن بىر بولاغ . مرىم اۋزونو بولاغ دا تېھىر ائدىب عىسا نى
قونداق لادى و يولا دوشە رك عىسا دئدى :

" كىمسە سىن دن سوروشور سا بو اوشاق كىم دن دى ھىچ نە دانىشما و
سۇپلە كى اۋزون دن سوروشساز دىيە ر . "

مرىم ، عىبادت مىھرابىنا قايدىركن اونون قوجاغىندا يئنى جە دوغولموش بىر
اوشاق گۇرھە ركن ، بنى اسرائيل خلقي اونا آغىز تورشادىب تۇھمت و
بۇھتان لار ياغدېرارق دئدى :

" اونو من دوغمولشام. آما اوشاقىن اۋزودى كى سىزە دىيە جە ك كىم دى و
گرچك لىر ندى. "

تانرى نىن امرىلە عىسا بئشىك دە دىلە گلىب دئدى :

" من تانرى نىن بىندە سى يىم كى آلاھ تەالا مەنە " انجىل " كىتابىنى
باغىشلایاراق سىزىن پىغمبىرىز اولاجاغام . "

خلق سوت آمر بىر اوشاقىن دانىشماسىنى گۇردوك دە تانرى يا سجدە ائدىب
سوسوب دىنمە دن مرىم ىن مقدس لى يى ھىر ئىرھ يايىلدى و عىسا نىن
دوغوشو ایلە بىرگە او قورو آغاجىن يئنى دن جان تاپىپ گۇيە رمە سى و
اوردان بىر بولاغىن جوشماسى ، دىل لىر ازىرى اولدى.

عىسا آتە جانا گلىب عادى بىر اينسان كىمى بۇيويە رك آن بالاجا ياش لارىن
دان خلقي دوزيولا چاغىرىب آلاھ تەالا نىن بويور دوقلارىنى اعلان ائدىردى.
سونرا لار حضرت عىسا ائلى اوبانى گزە رك ھاردا بىر دردىلى اينسان وارايدى
اونا ياردىم گۇستىرمە يە چالىشىردى . عىسا نىن اون ايكى جان يولداشى وار
ايدى كى اونلار حواري آدلاناراق عىسانىن رسالتىنە ايمان گتىرە رك بىر آن

اولورسادا اوننان آيريلمازدىلار. مگر كى عىسا نىن بويوردوغو بىر مصلحت اوزره بىر ايش داليجا گنده لر.

جماعت عىسا دان معجزه لر ديله ركن لاپ چتىن آنلاردا كى گرگ بىر معجزه گؤستره ردى اولو لرى ديريلديب خسته لره شفا وئيردى. او يهودى لرین دین ده قويدوقلارى بدعت لرى اؤز موعىظه لرى نى سىنديرماغا چالیشاراق ، بىر پارا منفعت جیل يهودى لر كى دىنى اؤزلىنه چؤره ك آغاجى ائدىب اولمايان طولمى خلقىن حاققىندا ائىردىلر ، عىسا نان دوشمن چى لى يه قالخىب اونو آزار اذیت ائتمه يه چالیشىر دىلار. عىسادان سوروشاراق كى سن بو معجزه لره صاحب اولاركن نيه اؤزون هم مه شه يوخسول لوق و چتىن لىك چكىر سن دئىيردى :

" منجه دونيانىن آن بؤيوك لڈتى ، معنویت ده دير و معنویت ايسه تانرى نى ياد ائتمك ده ، خلقىن دردىن غمىن ياخىن دان گؤروب اونلارىن آجىلارىنى پاىلاشماق دادىر كى من ده بو يولون يولچوسويام . منىم قوللوق چو م آل لرىم دير و ائىم كاليسكام آياقلارىم . دؤشه يىم تورپاق دير و ياستىغىم داش . گئجه لرى چىراغىم آي اولدوز دور و آن يئمه لى خوروشتوم آج لىق . ائوىم ده ، جان ائوى دير كى دولودور تانرى نىن قورخوسونان كى هر لحظه اونون عظمتىنى داها آرتىق دوشوندوك ده بو دهشت داها آرتىر. پالتار لارىم كئچه دن دير و گئجه نى ياتدىقدا ، تانرى نىن محبتىن دن باشقا بىر دوشونجه م يوخدور. بونلار لا بئله من دونيادا ، اؤزوم دن چوخ، هئچ بىر زنگىن و خوشبخت آدم تانىمىرام ."

عىسا دان سوروشورلار نه اوزدن ائولن مىر سن كى دئىير :

" اينسانلارى ناشوكور گؤردوك ده بو ايش دن واز گئچىره م. نيه كى اگر ائولاد صاحىبى اولورسام و او دىرى قالىب بوى بوخون آتىرسا ، باشلاياجاق باشقالارى تك يئر اوزونده فىتنه ائتمه يه و اگر اؤلورسه ده عؤمرومون

سونوناجان گرك دیر غمه و ماتمه دالام . بونلار لا بئله يئنه منيم ايختياريم
تانري دا دیر و او بيله ن هر زاد دان ياخشي دیر. "
حضرت عيسا 33 ایل ياشايلاق برکت لي عؤمرونون آن چوخونو تانري نين
وحي ائتيدي يي " انجيل " ين قوتسال آيه لريني خلقه آچيقلاماقلا كئچير
تسه ده جماعته اييليسين شررين دن دانيشيب اونلاري قوروماغا چاليشير
دي.

حضرت عيسا كور لارين گؤزونو آچيب جودام توتوموش آداملارا شفا وئرمك له ،
گونو گون دن عمل لري نن و سؤزلري نن خلق ايچره نوفوذو نو آرتيرير دي. بو
اوزدن ده او يهودي لر كي منفعت لريني خطرده گؤروردولر چئشيد لي توطئه
لره باشلايير ديلار . عيسا بئله نكي آداملار لا راسلاشاركن دئيردي :
" من تانري نين ايذني له اؤلولري ديريتديم ، كورلارا شفا وئرديم و چوخلي
خسته ليك لره غلبه ائتديم آما هئچ واخت ائده بيلمه ديم بعضي
اينسانلارين حماقتيني كي دونياني فقط حسادت ده، نيفرتده وپول دا پارادا
آرايير ديلار ايصلاح ائده م . دونيا بير برك لي عجزه دیر كي مين لر قيليقا
گيريب هر گله نين گليني اولاراق آخیردا هاميني اؤلدوروب دي. اونان
سوروشساز كي ايندي يه جان نچه آره گئديب دي حتتا سايي دا آلين ده
يوخ ايدي. واي اونلارين حالينا كي ياشاير لار و دونيانين عاشيقي اولاراق
يئنه اونان وفا اومور لار. "

او گئجه كي قرار ايدي عيسا صاباحي اؤز خاچيني داشي ياراق صليب
اوسته جان وئره ، حواري لرينه دئير :
" صاباح من گؤي لره عروج ائديب يئر اوزون دن آيريلاجام . آنجاق اونون كي
ايمان ي چوخ دور و تانري نين شفقتينه اوره ك دن اينانيب اؤز رياضسي نان
ائله يه بيله ر منيم سيمام دا خاچا ميخلانا . "
بوتون حواري لر بو ايش اوچون حاضير آماده اولاراق ، عيسا بيريني سئچه
ركن دئدي :

"بو جمع ده سيز لردن بيري كي هاميدان چوخ راضي ايدي صليبه چكيله ،
 سحر اولجاق مني هاميدان تئز داناچاق !"
 عيسا او سون گئجه ، آخير شامي حواري لر له يبيه رك اونلارين گوزلري
 اؤنون ده گويه يوكسه له رك سمايه عروج ائتدي.
 صاباحكي گون همان حواري كي هم اؤز آرزوسو ايدي و هم تانري نين ايسته
 يي ايدي ، چئهره سي و قياقتي عيسا شكلينه دوشوب دوشمن لر آلين ده
 صليب ده جان وئردې.
 بئله ليك له عيسا اؤلمه دن اول گوي لره يوكسه لدي و مسيح آدي مقدس
 بير كلمه اولدي تانري يا ايماني اولوب اونو سيتايش ائده ن لره . حواري لر
 عيسا ني گوي اوزره گوزدن ايتيرمه دن ، اونون نورلا غرق اولموش پشمينه
 پالتار لارين گوردو لر كي وار گوج ايله يئره دوشدو . نيه كي گرگ ايدي ملكوت
 دا كيمسه نين آي نين ده ، دونيا زينتي اولماي يدي.

